

唐縣志卷一

輿地志上

星野

暑度附

沿革

疆域

城池

公署附

山川

關隘隄堰附

古蹟

星野

暑度附

天之所覆廣矣大矣自周禮保章氏以星辨地所封封域皆有分星而竈也推測僑也論說休咎每奇中矣升咩日眾星者萬物之精質具於地而氣形於天分野者周天之次舍懸象於上而示法於下若夫極度暑景準地測驗以候晝夜之永短節氣之早遲較分野更足徵信也志星野併志暑度

唐縣古中山地其分野昴晉書天文志中山入昴一度

唐縣志卷一

輿地

按漢志自尾十度至斗十度燕之分野史記正義胃三星昴七星畢人星為大梁於辰在酉趙之分野明一統志保定府尾箕兼昴畢分野府志先儒謂衛水南為趙分北為燕分在尾箕之次是則南境屬趙北境屬燕分野當在尾箕昴之間唐為郡西南邑即古中山地則屬昴無疑

大梁昴之次名也昴西方之宿名昴又謂之西陸

爾雅邢疏

昴西方白虎之宿

甘石星經

昴七星十一度下為日月中道天之耳目也又為旄頭

史記

天官書

畢昴間為天街散為冀州分為趙國

春秋元命苞

北斗七星其次舍自張至於角星書一主秦二主楚三主

梁四主吳五主趙六主燕七主齊

文獻通考

昴七星一聚實不少阿西月東各一星阿下五黃天陰名
陰下六烏芻彙營營南十六天苑形河中六星名卷舌舌

下黑點天讒星礪石舌旁斜四丁丹元子步天歌

黃道度三百六十五度四分一昴十二後漢書律歷志

胃昴畢大梁也初胃四度餘中昴六度終畢九度唐天文志

西方昴宿七星十二度舊去極七十四度景祐測驗昴宿

十一度去極七十一度宋天文志

按天道遠而難知以彈丸之區與碧落上細分界限倘恍莫據故諸史於縣邑分星不詳推求焉

暑度附

北極出地高三十八度四十六分

唐縣志卷一 輿地 二

夏至正午暑影二尺七寸四分弱定表一丈後仿此

日出寅正二刻九分弱

日入戌初一刻六分強

晝五十八刻十三分強

夜三十七刻二分弱

朦影八刻三分強

丑正二刻五分弱且天津大皇即天中偏東三十八分三十五秒

亥初一刻十分強昏貫索大星即貫中偏東一度五

強索四分四十二秒

冬至正午晷影一丈八尺九寸八分强

日出辰初一刻六分强

日入申正二刻九分弱

晝三十七刻二分弱

夜五十八刻十三分强

朦影六刻十分强

卯初二刻十分强旦五帝座一中偏東三十四分一秒强

酉正一刻五分弱昏壁宿一中偏西三度一分五十分强

春分正午晷影八尺三分强

日出卯正初刻

唐縣志卷一 輿地

日入酉正初刻

晝四十八刻

夜四十八刻

朦影五刻十分强

寅正二刻五分弱旦心宿三中偏西三十分三十秒强

戌初一刻十分强昏北河二中偏東二十分四十一秒强

秋分正午晷影八尺三分强

日出卯正初刻

日入酉正初刻

晝四十八刻

夜四十八刻

朦影五刻十分強

寅正二刻五分弱旦舉宿八中

偏西二度七分二十七秒

戌初一刻十分強昏河鼓三中

偏東三度二十三分二十三秒強

經度距京師偏西一度二十五分

節氣較京師早五分四十秒

按南北緯度以北極為主晷影尺寸日出日入晝夜朦影昏旦時刻及昏旦中星因之東西經度以京師為主節氣早晚因之推之俱用弧三角法今各依法推算著於篇黃赤大距古大今小今以儀象考成績續編道光十四年實測二十三度二十七分之數入算中星有歲差今按法加減以光緒四年歲前天正冬至為斷

沿革表

唐之命名肇於上古自堯國於此其名迺顯著然由帝
摯已亥下逮周景辛未幾二千年始見諸經籍其間建
置分合莫得而詳已漢時置縣北齊省廢隋復唐徙以
迄金元隸屬互相異同然則不變者沿也其變者革也
爰考諸史而參訂之為沿革表

朝代

統部

州郡

縣境

中古

冀州域

唐國

通鑑前編九名勝志唐縣
州之制肇自為古唐侯國
顓頊至帝堯堯之始
而仍沿其舊封也

唐縣志卷一

輿地

五

唐

并州域

今以禹貢考
之唐縣當在
冀州
之域

虞

冀州域

通鑑前編吳
氏注陶唐分
冀州自衛水
以北為并州
又按通鑑舜
三十四載復
九州是舜受
禪之初猶堯
時之十二州
則唐當屬并
州後復九州
則唐仍屬冀

商 夏

周

春秋

州可

冀州域

冀州域

按禹貢九州有青梁徐而無幽并爾雅九州有徐幽營而無青梁并孫炎曰是殷制也二代雖有沿革而冀州之名未改故夏商皆屬冀州

并州域

唐縣志卷一

周禮職方氏并州之域其山鎮恆山其川滹沱嘔夷按今唐境大茂山即恆山唐河即嘔夷其地屬并州無疑

輿地

六

燕地

陽

鮮虞地

中人

左傳昭公十二年齊高偃帥師納北燕伯于陽杜注陽即唐燕

戰國

秦

漢

東漢

蜀漢
魏地

晉
後燕地

唐縣志卷一

中山地

左傳昭公十三年晉荀吳自著雍以上軍侵鮮虞及中人杜注望都縣西北有中人亭按今在唐境又按史記中人亦作中陽

史記索隱中山故鮮虞國

上谷郡地

中山國

唐縣

漢書地理志中山國領縣十四唐注莽日和親又中輿地

七

山國注高帝郡景帝三年改為國

中山國

唐縣

續漢書郡國志中山國領縣十

唐縣

中山國

唐縣

晉書地理志中山國統縣八按晉地志所書郡縣皆西晉盛時至劉淵石勒叛

北魏

定州

亂失復無常
廢置無定及
慕容垂時建
都中山是為
後燕此地已
非晉有矣

唐縣

北齊

元和志魏道
武平慕容寶
置安州又
改為定州

魏書地形志
中山郡領縣
七

安喜地

元和志高齊省
唐縣入安喜縣

隋

冀州

博陵郡

唐縣

元和志大業
三年改定州
隋書地理志開
皇十六年復

唐縣志卷一

輿地

八

唐

河北道

定州

唐縣

為博陵郡九
年改為高陽
縣十
新唐書地理
志定州博陵
郡上本高陽
郡天寶元年
更名舊唐書
地理志定州
博陵郡乾元
元年復為定
州領縣十

梁

定州

中山縣

唐

定州

唐縣

晉

漢

宋

金

元

明

定州

定州

博陵縣

唐縣

中山府

唐縣

唐縣志卷一

輿地

九

河北西路

中山府

唐縣

金史地理志
天會七年降
中山府為定
州後復為府
領縣七

中書省

保定路

唐縣

元史地理志元
初改曲陽為恆
州立元帥府割
靈壽行唐慶都
唐縣以屬之後
移鎮歸德以唐
縣屬保定路

京師省

保定府

唐縣

國朝

直隸省

保定府

唐縣

明史地理志
洪武元年升
為府十月屬
河南分省三
年屬北平布
政司明一統
志永樂時直
隸京師領州
三縣
十七

大清一
統志保定府
領州二縣十
五今十四

按水經注有高昌縣城引縣目曰望都縣在高昌南
是北魏以前析置高昌縣於唐之境內然不見諸正
史殆旋置旋廢耳今以高
昌城入古蹟而沿革不載

唐縣志卷一

輿地

十

陳育陽唐縣考

唐縣古白狄國也世傳帝堯封侯之地定州有唐城
完縣有堯城俱傳說帝堯封侯之城至於順德府屬
之唐山縣亦傳說帝堯封侯之城想上古侯國未有
如此廣大約略唐縣為近是縣北十三里嶺上有城
帝堯為唐侯國於此後名中山城嗣又慕容垂稱帝
亦都於此定之唐城乃盧奴城也完之堯城乃教子
丹朱所築現有曲逆河遺蹟在焉若順德府之唐山
縣有柏人故城在縣西十里皇甫謐帝王世紀堯所
都又有柏鄉故城在縣東北二十里寰宇記引城家
記云堯所築唐山名堯山又名宣務山在縣西北八
里上有堯祠春秋時為柏人地唐置堯山縣相傳唐
堯封於此金遼容宗諱改為唐山縣詳考廢摯立堯
時諸侯請禪羣會於此非都也唐縣為帝堯封侯之
地無疑矣若河南南陽府之唐縣因境內有唐子山
故名與帝堯無與也唐縣志郡國表圖曰漢為苦陘
今苦陘城在無極縣東北二十八里光武封杜茂為
苦陘侯毋乃相去似遠乎恐苦陘之名或未必
按此文末一段舛錯太多
今刪去說詳卷末辨訛

疆域 城池公署附

度地以居民分疆以制域有疆域然後營城池有城池然後立公署蓋域以限民城以衛民署以治民三者定而山川之繚繞村鎮之環列可得而按也唐在堯封時幅員應廣歷春秋戰國秦漢既分析之互異亦此爾之難稽今據廣袤遐邇與夫保障完固廨舍建置詳述而備書之牧民者恃陋無譏聽事有所舉凡岡巒臺峙繡壤毗連悉道里而撫版籍固封守而畫郊圻於以求民瘼懼民隱不至越俎豈曰侵官迺志疆域而以城池公署附焉


唐縣志卷一

輿地

十一

疆域圖 每方五里





縣屬大村莊共計二百六十四茲不備載詳見卷二村圖凡村用●鎮用□倉用○以識之

唐縣志卷一 輿地

唐縣屬保定府為中縣在府西南一百二十里

東至望都縣界故縣村八里 故縣在望都西二十二里在本縣徐家莊東三里

東南至望都縣界安里村二十六里東少南至望都縣治

三十里 安里在望都西南二十里在本縣南安里村東南一里

南至定州界劉質東村三十五里至定州治六十里 質東在定

州北二十五里在本縣安樂村南五里

西南至曲陽縣界東旺村三十八里西少南至曲陽縣治

五十里 東旺在曲陽東三十里在本縣勾堤村西南三里

西至曲陽縣界灰嶺村七十里 灰嶺在曲陽北四十里在本縣橫河口西十里

西北至廣昌縣界新城村一百八十里 新城在廣昌西七十三里在

倒馬關西 西少北至大茂山一百五十里西連阜平縣界

北二十里 南連曲陽縣界

北至廣昌縣界玉河溝一百二十里 溝在廣昌東南九十里在本縣周家堡北

五里

東北至完縣界朝陽村三十里東少北至完縣治三十五

里 朝陽在完縣西十二里在木縣故城村東北五里

東西廣八十里南北袤一百四十五里東南平原西北岡

嶺袤長二百一十里羣峯堆螺諸津繞帶橫河倒馬為直

晉通衢東北至

京師四百五十里

唐縣志卷 輿地

疆域圖說

唐縣在保定府西少南一百二十里廣八十里袤一

百四十五里 自西北至東南射直而論 鄰境之犬牙

相錯者東為望都 距縣界八里 南為定州 南至州界

十八里東南界清風店 距縣界四十里 西南為曲陽 距縣界四十里

三十里州治六十里 縣治五十里 西北為廣昌 距縣界走馬驛一百八

十里縣治二百二十里 東北為完縣 東

縣界十八里北距縣界 內有 大村凡二百六十有四 同名

或分南北或分東西相距不足里許以大村論此 倉

外有十家小村附歸就近大莊管束不在此計 六區 高昌倉留九莊倉北羅倉大 戊鋪五處河南鋪

距縣四 恆陽鋪 距縣七 軍城鋪 距縣九 北嶺鋪 距縣

二十里 **楊令公鋪** 距縣一百三十里均廢址存 自

達周家堡抵關此東路也無鋪由楊莊嶺經河南十

八盤嶺此中路也西路則由橫河口經軍城路俱崎

嶇不可 **新添更鋪二十處** 自縣東高昌店起至縣西

縣境山居十之五水居十之二平原僅十之三四除

城堡村落道路寺觀分占外墾田無多腴者又半屬

旗地民之瘠蓋可知也邑之西北皆山而恆山為之

冠 一名大茂一名太乙宮北都賦茂山 其山自渾源

州發脉由蜚狐嶺至縣西北境穹隆峻絕俯視雲中

諸山不獨屏障一邑實有拱衛

神京之勢山之北因險為關曰倒馬關 距縣一百六十里

北達廣昌蔚州都

唐縣志卷一 輿地 古

司駐此屬 **東則周家堡** 縣北一百一十里 **鴻山關** 縣北七十五

里 **唐梅店** 縣北三十五 **南則岳嶺口** 縣西北一百二十里 **軍城鎮**

縣西北 **八渡關** 縣西六十里 **橫河口** 縣西六十里南

九十里 **守** 凡八處山勢分兩支自大嶺口 即岳嶺口 **迄東而南折**

經七十餘里兀起高峯周圍百數十里聳翠極天曰

葛洪山 縣西北七十里亦曰清虛山乃北岳左臂括

地志云北岳別名有五一日華陽臺即葛山 **也高二千六百餘丈舊傳** **又南為白合山** 縣西北

葛雅川養丹於此故名 **活山** 舊名石河山與 **父子山** 縣西北

馬耳山 **馬耳山** 縣北三

峯狀如馬 **靈源山** 縣東北 **唐巖**

耳故名 **山** 縣北 **青山** 縣東北 **粟山** 縣北十三里水經注日中

鑼鼓山縣西北十里堯山俗名口底山 縣西八里又東與完縣接壤

處平地突起曰望都山縣東北十八里 俗名孤山凡此皆恆山左

支一脈所注也其右支則迄西而南越五十餘里為

豬山縣西北八里柏巖山縣西北六十里又南為風山縣西三十里

羅喬山縣西三十里又東則狼山縣西二十里磨巖山縣西十五里

以上諸山形皆南向勢實東趨其介在兩支間者曰

五斗嶺苑家會西秦王嶺黃石口南北嶺南嶺倒馬關東南十八盤

嶺軍城鎮東南顯聖嶺白合山東北唐梅嶺馬耳山西楊莊嶺縣北十二里

城子嶺縣北二十里黃岡嶺縣北八里其小者曰老姑峪葛洪山西

宋家峪十八盤東北馬家峪顯聖嶺西趙家峪父子山西大常峪封山

唐縣志卷一

西黃金峪狼山西北其或土戴石或石戴土不以名著者

悉數難窮而尋其脈絡皆發自恆山至於境內之水

大者曰滹水亦名唐河發源山西靈邱縣高氏山或曰發源渾源

州龍嘴村搶風嶺湯頭鋪蔡家峪由廣昌縣流入縣

四泉東經靈邱水色渾黃名湯河

西北境經倒馬關東流至葛洪山東北入完縣界南

折越十餘里經神北人縣境流十餘里又偏東入完

縣界流十餘里經盤古村折西入縣境自唐梅西南流

至大洋村有水自西北來入之則恆水也恆水出恆

山北谷東南流至梭頭村入曲陽界經十餘里經乾河鋪

鄧家店折東入縣境流二十餘里遂與滹水併流東南


至釣魚臺出境入定州界二水上游夾山而行其
 也湧其去也速其曲折紆迴處居民引水澆田護灌
 溉利亦多沖決患唐河出入縣境逕一百八十餘里沿河有四十入灘湖查三十年間每遇大雨漲發不免溢沖又經數年力始復成灘恆水同此至大洋南霪水西始
 分水東注開渠灌田曰廣利渠明萬曆時知縣楊一桂所濬今歸典史經
 管東流七十里入完縣曲逆河惟沙久淤今僅通三
 十餘里享其利者十數村耳水之小者有放水河發源
 馬耳山東流入逆水河發源栗山西流逕完縣曲逆河餘則澗溝
 濠渠均無定名此邑境形勝之大略也


唐縣志卷

輿地

十六

城池圖





唐縣志卷一

輿地

縣城在平地北面近山周四里高二丈濶一丈四角有弩
 臺三門東曰環東南曰衛南西曰鎮西各有敵樓池淺狹
 而無水夏爲潦所集元至正時莊敬重建城門樓明宏治
 七年知縣茹鑾重修隆慶時知縣洪濟遠增築三門甕城
 崇正七年知縣宋祖乙增厚於內數尺建堞口九百有奇
 十六年知縣胡夢泰議修磚城物料具備功未就
 國朝順治九年知縣吳日宣重修東甕城門康熙初改移
 南向乾隆十七年廣平知府富明重修嘉慶十五年知縣
 張曰珩修東西南三面磚門磚臺城樓及北面元武閣四
 角樓同治二年知縣陳兆麟重修

彭泰毓重修唐縣城垣碑略云唐爲堯封西北多山城居平衍時有行潦飛瀑繞東南而控制防閑匪易也壬戌癸亥間竄匪肆擾唐邑城垣殘缺傾圮勘資保衛邑侯深憂之乃計丈數端高卑度厚薄倡捐銀陸百兩會同廣文營汛督率捕廉紳士勸築經望都令估計萬三千二百有奇其奎星閣眞武廟圖志向不同工亦循其舊紳董經理留緝捕少尉駐工彈壓版幹遞遷畚鍤貫序如斛律光鞭指而成工始於同治二年三月六日竣於同治三年九月二十日歷五十餘旬而告蕪固苞桑安盤石爲此邦保障頌樂郊焉粵稽數百年來元建城樓明增三門甕城


國朝嘉慶十有六年請帑亦惟新東南迎面歷將周甲得有此舉非幸事哉余以主講來唐屬爲文記之爰不揣譎陋用志顛末以告來者邑侯則粵東陳公仁齋刺史兆麟廣文則易水陳君爾善樂壽陳君占祥捕廉則無錫朱君霞營汛則武君士林駐工委員則嘉應黃君奎烈也例得備書


唐縣志卷一

輿地

六

縣署圖





唐縣志卷一

輿地

縣署在城中近北南接大街東抵常平倉西抵儒學北抵民居明洪武二年知縣劉傑初建廳事天順五年災知縣林孔仁重建廣其制崇正十五年城陷燬焚

國朝順治三年知縣周日宣建堂五楹知縣張問政扁曰牧愛堂雍正十年知縣于恪重修堂之左為庫樓明嘉靖時建今圯堂之後為廊為宅門為屏門門之北曰二堂五楹明嘉靖時知縣強自省修扁曰居敬堂

國朝順治十二年知縣張問政重修乾隆六十年知縣趙錫藩扁曰廣拙堂其後為官宅其西為幕廳其東為花廳廳東為書房同治三年知縣陳兆麟重修官宅廳舍大堂

之前爲誠石坊今廢兩翼書吏房各七間雍正十一年夏
翼全圯知縣王恪建修嘉慶六年太雨兩翼全圯知縣朱
某重建其南爲儀門三間左右角門各一間儀門之前爲
大門監獄在門西譙樓建門上前臨大街照壁在街南
典史署在儀門南甬道東同治十年典史朱霞重修大門
一間堂三楹二堂同乾隆時典史林木華扁之曰節愛堂
堂後爲宅宅後爲圍堂東南爲花廳爲書齋

教諭署

詳見學校

訓導署

詳見學校

城守汛在縣署西南牛市街久廢今僦宅以居

唐縣志卷一

輿地

三十一

巡檢署在縣西六十里橫河口舊在倒馬關後移此
倒馬關都司署在城西北一百六十里

舊官舍

附

縣丞署在儀門左缺裁明萬曆時知縣萬自約改建賓
賓館今廢地歸捕署

主簿署在儀門右缺裁康熙時知縣嚴欽謨改建倉廩
今廢

舊訓導署在教諭署西缺裁署廢地歸教諭署爲圍
察院在縣治東大街府館在陰陽學東知縣嚴欽謨
建社學

榜房在大門東

舊總鋪地

其東為申明亭旌善亭知縣張問

政建又東為醫學為陰陽學俱久廢

鄉約所在縣治東南聖壽寺明知縣萬自約置久廢今

移置東關

巡檢司署一在軍城一在周家堡一在嶽嶺口缺裁署

俱廢

西電水公館在縣西三十二里河神祠西明知縣楊一

桂祀河神祠宿齋於此今廢

高昌公署在縣東北十八里舊社學基明知縣楊一桂

改建

唐縣志卷一

輿地

三

國朝康熙時知縣嚴欽謨復建社學

明楊一桂高昌公署記

郭村迤西高昌迤東為完唐二邑接壤之所而歲久無公署上官經臨至授餐於寺兩邑主者時以訟會鞠事會議交來境上每謀于畔斷於樹下非體也萬曆三十一年余視古社學荒地可葺而其傍寺中廢宇可庇遂斬其蓬蒿徙其廢宇稍加增益為今署有廳有幕屋有外門一物一餼皆出自官不日而就蓋因者易為功也雖云卑隘視日者荒宇授餐謀之畔斷之樹下則有間矣

山川 關隘隄堰橋梁附

唐之西北皆山廣谷鎗衍崇岡崩劣綿亘近二百里而以唐巖為祖大茂為尊其間泉源流注澗恆浩淼固天地之鍾毓積為斯邑之靈秀也舊志所載多闕略迺詳為增訂志山川

大茂山在縣西北一百五十里石門子西文連曲陽縣北界太平御覽云本恆山也北都賦茂山恆嶽之別名山勢巖崿登其巔俯視河北雲中諸山皆培塿耳其山陰所積冰雪盛暑不消黃帝問道於大茂山即此五代時晉與契丹於此分界康熙志

唐縣志卷一 輿地 三

葛洪山一名清虛山在縣西北七十里大茂之支山也舊傳葛稚川養丹於此故名萬峯聳翠如簇如插霽暝不時煙霞無定水自壁出口浴丹泉翠濤瀑浪從天而下又有

滴水堂見後垂露嚴條下掩月洞重陽洞前後煖谷諸幽勝復多

古刹詳見寺觀

國朝乾隆十五年二十六年繪圖以進康熙志參採訪

金張通古葛洪山銘

峻哉華陽恆岳左嶽拱衛三室盤鎮并燕易溥遠界澗水道澗三臺橫翠四峰插天修厓蔽景鳳峙昂躔衝岷逶險華岱齊肩黃帝問道丹成稚川天陽許借攸集羣仙白鹿偃臥黃雀翩躚寶經妙蘊抱一真詮似玉在璞如珠返淵鍊氣合道解脫輕蟬遐思幽侶羨斯異焉敢銘數語勒諸巍然

陳效元葛山指掌圖記

吾邑清虛乃北岳之左臂以峯名者有四曰紫雲曰白雲曰碧雲曰天柱以岩名者有三曰玉仙曰滴玉曰栢窩以臺名者有三曰鳳凰曰天風曰冷空以洞名者有九曰偃月曰丹竈曰三清曰桃花曰朝陽曰重陽曰蓮華名九峻山曰三仙曰盤古在分水山以峪名者有四曰桃花曰後齊曰老姑曰檀峪以園名者有二曰桃園曰蘋果以寨名者有三曰鳳凰曰飲鳳曰飲虎以祠名者有二曰北龍門曰西龍門以谷名者有二曰前暖曰後暖以岸名者有二曰歪頭曰捨身茲山廣袤三百餘里其支聯岳麓統於清虛者烏得盡遺之或可以俾閱者一目瞭然如在指掌間矣

陳效元葛山路程

按括地志云北岳別名有五一日華陽臺即葛山也高二千六百丈遼壽昌間洞虛陳真人建修菴觀百餘所歷元明來尚有七十二菴觀之說又宏治碑記名安全山仙源錄名帶耳谷白南而遊者出唐縣城北行十里登城子嶺十里登馬家佐嶺上漫石道十

唐縣志卷一 輿地

三

里至唐梅店五里過唐河渡上仙姑洞三里登顯聖嶺即洞虛真人神化處十里至土洞循溪東轉十五里至張合莊達瀑水汪蘋果園北到山神廟又到地藏菴又到下清虛宮約七里許循西崖上至仙關有邑令孫希夔書字由蘋果園上西北岡寶壤北下過曹溪上北坡過仙人墳金救建洞虛真人尸解墓二里入朝陽溝謁雙松菴三里到仙關石山瀑水汪近海棠坡登東岡入滴玉巖俗名滴水堂逐澗曲折到上滴水達下滴水又過蘋果園到仙關石仙關乃登山之咽喉也非杖不能升陟五里到鳳凰臺謁葛仙閣由閣前北轉東折過三官廟有浴丹泉泉左三清洞即上清虛宮也宮左有鳳凰池又左玉仙巖南向天風臺上廣育宮北入南天門從登雲路入下十八盤行者緣木梯羅三里到歡喜臺至此舒足為喜也登上十八盤烏道紆迴三里極頂俯視雲山萬重氣候攸判矣東禱碧霞宮西禱黑帝宮漸求皆驗西嶺上九天臺玉皇殿老君宮樓閣盡空拾級累百西至冷空臺人立嘯石真神仙窟宅也南路自感至蘋果園共七十里西路自大茂山即太乙宮俗名西頂嶺嶺口由軍城白花裏至蘋果園亦七十里東路自

縣壕口至蘋果園亦七十里

董邦達葛洪山記

畿西之山自太行蜿蜒而來前劣者以千萬計唐

之北境有葛洪山焉蓋太行之支脈也我

皇上十有五年幸五臺山歸駐蹕於唐縣始

命御前行衛德公保張學士若澄往繪此山今年恭逢

皇太后七旬萬壽

皇上恭奉

安輿祇謁

泰陵既而再幸五臺經唐縣臣達恭扈屬車敬被

命再繪葛洪山圖而偕行者仍德公保也時惟暮春風日

和煦天桃穠柳明媚巖谷縣令吳君瑒承制府方少

保檄出迎各一騎為導過入渡涉唐河宿大洋村舍

翌日循河北行望數十里外兩山劃然其中一峯單

椒聳峙者曰葛洪山也暮抵山下有村南曰南洪北

曰北洪村受山名矣約以詰朝登山村民從者數十

人行八九里平田卦畫良苗懷新忽有石崖蔽路水

自崖出瀦瀦有聲曰旋源谷也過水北折叢薄間得

郵社曰惠利祠也祠下雙澗潑澗隔水松濤非笙簧

唐縣志卷一 輿地

云

而和從東道循石壁里許至垂露巖在東山半壁中
蓮萼倒披若屋之水雷鍾乳纍纍欲墜水自石罅出
跳珠噴玉道人煎茶飲客甘冽之味不減中冷九龍
也巖外古木壽藤千章百尺沃土雜植桃李方華過
嘉植園禪棲茅屋了無俗韻問所謂清虛宮者尚在
雲際而迴望旋源谷已在嵐煙蒼鬱矣院之後山徑
愈峭陟其半得道院曰留雲祠有抱樸子像石砌外
翠栢成行皆百許年物出院踰一小坡路益峻騎者
皆御予拄杖而行半日至清虛宮雲房嵌壁若綬密
牌門外一石猗踞極天劃之奇平岡為臺可眺可俯
翠微隱匿皆向來路也院後羣峯抽筍具諸色相左
側之峯回翔垂翼曰紫雲峯其上峭壁懸崖少可容
人迹德公賈勇而登而余不能從也日下重回嘉植
園更從西道行至一寺鳩工經始無莊嚴之觀而落
花不掃於陰滿庭為禪丁受持之地今故名幽棲寺
矣寺之南曰殘霞觀黃冠主之蓋清虛之別傳也出
山後

進呈名仍其言以言不雅馴
命易以令名凡記所稱者皆是也復以正行篆隸四體或
摩其崖或顏其額奉

元劉因復遊葛山詩昔年曾到葛洪遊回首西
風二十秋今日唐川再經過野心又被白雲留
明孫慎葛洪山詩桃源之北北山陽山崖萬岫爭
翔主峯亭亭秀色迴芙蓉削出凌蒼蒼玉臺高出清
山麓層空杳鳥盤宮牆松風澗水哀眾壑眼潤八極
空茫茫登高壯觀慨夙仰振衣岡頭何昂藏籠中日
月東西出手攀若木窺扶桑仙人凌虛原跨鶴帝子
吹簫招鳳凰冥冥星君朝北斗金簡羽衣高原張條
忽影落煙霧散虛寂無人羅帝旁獨傳晉代葛仙翁
玉京一往歲月長偃月猶存搗藥洞燒丹灰冷留餘
香丹井向爲人愛惜再三撫跡增淒涼昔探遺書讀
隱文秘訣無留徒彷彿後來誰依白茅屋魯子新到
紹仙芳願期五岳結心
友早騎白鹿常徜徉

明劉乾遊葛洪山詩三首秋晚渡唐河葛洪佳致多
雲昏明獵火谷靜響樵柯客醉暮山出僧閑野水過
功名一炊黍如彼赤松何仙跡遺丹竈幽宮倚翠微
樹聲喧暮鳥山色老秋暉新月窺僧屋飛雲傍客衣
一年成幾醉捲白莫相逢巖斷樹陰合溪鳴山氣流
紛心自崖返六鑿盡天遊汗漫風乘我春容蝶化周

唐縣志卷一

輿地

三

解衣磅礴坐
天地共虛舟
明黃巍遊葛洪山次劉靜修韻曾聞仙令葛洪遊勾
漏丹成幾度秋蛻骨久隨伏火化芳名長與此山留
郝浴登葛洪山詩大行生紫翠人在保州西塵絕悲
神駿山空望木雞扶桑問洗墨玉洞好燃藜終有書
生在無愁底事齊屏翠圍天住虛空放鶴來松深毛
髮綠雲煖石華開壁橘棋千點焚書酒一杯高明於
此極莫作
僂佳猜

高景登葛洪山二首之一賈勇凌碕巘丹梯萬仞懸
有峯皆翠削無樹不蒼煙遠壑金蛇電孤跡玉井蓮
縱觀眞浩渺
欄欄欲登仙
王政登葛洪山詩清虛宮聖迥沆瀣氣盈裾霽色擁
仙洞嵐光映煉礫赤松快有侶黃石豈無書爲問丹
成日先生
何去諸

左槃遊清虛山詩昔年仙冷好丹砂遁跡名山
歲月賒寒玉萬條凝雨色白雲深處有誰家

陳瑞遊清虛山詩名以葛洪勝山光秀且幽
揆面蒼柏翠迎眸遠岫疑天馬迴峯似臥蚪洞空爐
竈冷徑曲薜蘿稠仙令傳句漏道書藏上樓霞飛紫
氣繞風動嵐光浮野鳥傍雲宿寒泉帶月流年年秋
暮日常憶
此番遊

父子山在縣西北四十里相傳父子二人共建浮屠於此

故名有洞曰明伏可避兵其前有帝舜廟唐河行山麓下

萬曆志

元劉因帝舜廟詩四顧莽何際威靈儼若臨山川尚
宿樸天地自高深鳳鳥千年歎彌韶三月音宏功久
無復徒抱
致君心

神活山舊名石河山與父子山相接民因避兵得免故名

又名神活寨

康熙志 參採訪

唐縣志卷一 輿地

三

明王汝霖登神寨詩徙移層峯峯上頭無邊煙景望
中收諸藁西現千秋雪唐水東盤一線流畫鼓聲傳
幽壑響清樽光動紫雲浮風塵
世事無多許相伴登臨是勝遊

白合山與父子山相望又名白合寨下臨唐河

康熙志

柏巖山在縣西北六十里山南有賈島洞相傳唐詩人賈

島隱此島詩石刻在焉

康熙志

唐賈島柏巖山哭柏巖師詩苔覆石幢新吾師占幾
春寫留行道影焚卻坐禪身塔院關松雪經房鎖隙
塵自慚雙淚滿
不是解空人

風山在縣西三十五里有石穴風吹有聲其鳴如鐘下有

龍湫

康熙志

南有西河里

府志

嚴欽謨九日登風山詩濟勝原無減登高著處宜山
容排望內川色落臨時天濶忘身小風微任帽欹山

家偏好事載酒待屋屨眾嶺皆南赴茲山未肯同
同巒拱北仍束水之東金石終歸寂歡悲嘯一空煩
移岩上坐歸
傍夕陽紅

陳效元遊風山詩遙望風巒碧四圍間來徐步向山
扉村村林麓分青露曲曲河流寫翠微日暮寒雲通
石徑月明清露溼春衣浮沈世
事真如此坐對長松了道機

磨巖山在縣西十五里山形如磨許山子州支父隱此巖

有飛泉見後滴翠歲旱民禱祈焉萬歷志

嚴欽謨登磨巖山詩敢將輿馬恫山靈攜有屐聲上
杳冥俯澗石空寒滴翠插天壁老晚留青黃冠冉冉
新煙火紫府層層易眺聽卻媿
州支迺隱地勞生剛獲片時停

狼山在縣西二十里晚眺煙霞秀色滿目康熙志博陵郡唐

縣有郎山堯山都山隋書地理志

唐縣志卷一 輿地

三

嚴欽謨登狼山詩谿回磴折盡躋攀瓊閣珠宮積翠
間千里雲嵐歸部內片時身世出塵寰鐘魚偶破山
靈寂松鶴平分羽上問只惜唐
川懸夕照簪纓未一澣潺湲

劉儋遊狼山詩沙際寒煙平漠漠莫干登眺怨殘暉
河流似綫穿村樹山色如屏帶古梅雪月一簑漁子
立煙霞兩束老樵歸野歌風
騷人肆酒不醉如狂猶未回

羅喬山在縣西二十五里四山環抱松栢交翠相傳羅喬

二仙居此遺址尚存康熙志

王政登羅喬山詩蕙帳連雲峻香颺拂面來晴峯巒
影碧仙觀羽衣醴遣興詩千卷抒懷酒一杯浮邱眞
伯仲頡頏
又奚猜

猪山在縣西北九十里軍城採訪

顯聖山在縣西北十八里封山西香山北山腰有石心泉

歲旱禱輒應上有賈珩洞可容數十人採訪

香山在縣西北十八里封山西店頭村北俗名香爐山採訪

鑼鼓山俗名鑼鼓坡在縣西北八里麻黃頭村西其狀如

釜康熙志

唐巖山一名唐山一名堯山在縣北八里為邑城脊背登

此山可見都山相傳帝堯用石疊巖以便登眺今山勢不

高巖石無存府志分唐山唐巖為二山誤康熙志唐縣有唐

山金史地理志

按此山與都山東西相望漢書注所言登堯山見都山者非此山也

元劉因望堯山詩神化大無外名山能幾峯威顏渾咫尺天日尚雲容蒲坂堪饑死重華有舊踪三誤讀

唐縣志卷一

輿地

三

未忘欲此卜巢松

粟山在縣北十三里中山城康熙志中山城內有小山在城

西側而鏡上若委粟焉疑即地道記所云望都縣有委粟

關也水經注

封山在縣北十八里中山城北俗呼為丹鳳山舊傳堯於

此山下受封故名康熙志

馬耳山在縣北二十五里山形雄秀雙峯對峙狀似馬耳

故名此山與完縣連界東面雙峯微小者屬完西面雙峯

微大者屬唐有桃花洞石白泉詳見各條下○康熙志參採訪

宋蘇軾雪中望馬耳詩二首黃昏猶作雨纖纖夜靜無風勢轉嚴但覺衾稠如潑水不知庭院已堆鹽五

更曉色來書恍半夜寒聲落畫簷試掃北臺看馬耳
未隨埋沒有雙尖城頭初日始翻鴉陌上晴泥已沒
車凍合玉樓寒起粟光搖銀海眩生花遺蝗入地應
千尺宿夢連雲有幾家老病自歎詩力退空吟冰柱
憶劉

元劉因遊馬耳山詩雙峯何年聳雙耳叱之不動煩
風雷今朝向我效神靈已欲逐神鞭來浮世浮名
酒一杯我欲獨遊去

日暮三山上黃昏
明黃雪雪中望山耳詩曉來雨雪一何纖凜冽朔風
氣轉野外隼飛揚柳絮半頭登登水晶鹽已知積
素迷荒徑沒掃落梅片短簷送瑛

北臺何處是秋林馬耳尖
嚴鈔說早行道中望馬耳山詩殘星隨馬首村路業
紛紛驢子知法出牙孫帶露松鄉音十里別山色二
城分馬耳堪同
首雙尖時亂雲

靈源山在縣東北十五里金明昌中冀國大長公主於中

歷縣志卷一

輿地

三

元日來遊留二詞刻石夜上官嘗遣取墨刻僧苦毀之山

上多古栢有井可以下窺曉月康熙志

金冀國公主遊靈源山詞

楚峯遠眺山嵐發芳樹不黍正離離立西風雲煙向
暮青松瑟瑟風送短笛聲寒溪畔翠微間依約人間
住靈源待月襟袖涼微度把酒問青天廣寒宮知
何處中元吟賞好預作中秋歸興逸欲乘鸞竟得神
仙趣調寄慕山溪

倦游踪跡杳無憑寥落過山城客館蕭蕭夜雨披襟
鳳燭青熒追思往事十年一夢堪笑堪驚冉冉隙
駒光景依依嚼蠟心
情調寄朝中措

王恪重遊靈源山詩三載靈源夢重來拾遺景怪柏
巖猶龍萬家如塵影經碑峙蘭若花塔鎮絕頂宮詞
毀舊刻曉月想窺井一泓文殊泉味淡空諸品天
然石室留杳冥隔凡境病餘竊自忻未改濟勝脛

青山在縣東北十里有東西二寨牆垣宛然昔時避兵者

所築山陽有漢高帝廟相傳高帝由白登旋師駐蹕處前

有五龍池祠歲旱民禱祈焉康熙志 參採訪

王政登育山遇雨詩懷葛流風遠逸思問繡娥歎雲繞蒼樹零雨漾疇禾胥頌乾元力詎因幽篴多機槍

洗已盡無復挽天河

王政題漢高祖廟詩二首芒碭雲蒸帝錄舉誅秦滅項授從天入關首重三章約定鼎尤資六計賢偶語

跡消封齒日偉勳兆建斬蛇年威加海內歌猶在四百長推漢業閭亭長肇基隆準興擴疆闢土稱平陵

已勤三傑扶炎漢何慮七宵困白登記水功高多戰伐商山皓老足凌憑由來將將非人力廟貌遙瞻肅

禴 丞

陳瑞謁漢高祖廟詩漢皇古廟遺山阿玉輦會經曲逆過明月峯頭池上樹令人長憶大風歌

望都山俗名孤山在縣東北十八里高昌村東平地突出

唐縣志卷一 輿地

三

不連他山萬歷志一名豆山亦名堯山堯母慶都所居帝王世紀

堯山在北堯母慶都山在南登堯山可見都山漢書注有山

孤峙世以山不連陵名之曰孤山孤都聲相近疑即所謂

都山也水經注

王恪遊孤山詩屢次經過暫駐輿振衣攝屐少筇扶浮圖風靜鈴無語香積煙寒水預儲飛榻空懸雲臥險壁葦半闌夜禪虛今朝差慰登隨意忙裏偷閑片刻餘

堯山在縣西八里口隄村西北上有堯廟明永樂十八年

邑人趙敬重修傍有堯泉採訪

按此山舊名青龍山陳育陽謂名堯山今縣册改名唐山實非古之堯山唐山也

寄雲山在葛洪山西與白花山相近採訪

濁鹿山在縣東北十六里高昌村西北與望都山斜對俗

稱龍坡寺採訪望都縣有濁鹿山方輿勝覽

陳育陽堯山寄雲濁鹿三山考

從來省志簡於府志府志簡於縣志理也保定志載

唐縣山類有堯山寄雲濁鹿三山而縣志獨闕何也

非府志故繁而縣志故略也爰訪堯山在縣西八里

口隄村之西北也山腰有清泉淵而不流旱而不涸

上有堯廟其來久矣寄雲山在葛山之西與白花山

相近濁鹿山在望都山之西北一脈相連今俗稱龍

坡寺是也皆因今昔異名文俗異稱究唐之西北皆

山千重萬疊不以名著者又指不勝屈矣

王恪遊龍坡寺詩古語稱靈坡新碑稱龍坡龍之為

物靈字殊義非說五點高昌碑精簇纖穠螺殿宇既

宏厥西關尤巍巖締構榛莽餘衆方資檀那不有焚修功如此精舍何

唐縣志卷一 輿地

黃岡嶺在縣東北八里育山西南康熙志

虎皮嶺在育山前石色黑黃相映如虎皮然故名採訪

城子嶺在縣北十里中山城南康熙志

五斗嶺在縣北百一十里康熙志

楊莊嶺在縣西北十二里鑼鼓山側康熙志

秦王嶺在縣西北百一十里相傳唐太宗為秦王時追劉

武周宋金剛於此萬曆志

唐梅嶺俗名漫石道在縣西北三十里馬耳山西康熙志嶺

路石砌崎嶇上下長五里許大清一統志

顯聖嶺在縣西北四十五里康熙志

清峯嶺在縣西北九十三里下葦子村嵯峨奇峻人迹罕

到採訪

十八盤嶺在縣西北六十里雲中要路也高峻插天不能

直上盤旋曲轉而過故名

嘉靖志

南嶺子在縣西北百一十里路甚狹險

康熙志

北嶺子在縣西北百二十里南嶺子北

康熙志

鷓子巖在縣北百二十里唐河東岸

康熙志

齊雲巖在葛洪山西巖壑翠嶺古木奇羅盤旋蒼鬱其間

泉甘可以療疾

康熙志

垂露巖在葛山谷口東崖最高處鳥道羊腸蛇伏乃至其

處蜂蟻聚高低不等北有石穴萬竅滴水舊呼為滴水

唐縣志卷一

輿地

堂乾隆時摩崖改今名

採訪

明鄭林望滴水堂詩高山遙見翠薇岑上有仙姑入
遺深層塔並懸霄漢影諸峯羅列薛藤陰洞門畫敞
雲為伴瑤草朝餐露欲侵便好
乘風期獨往蔡經遺事得相尋

臥佛巖在縣西北四十五里白合山東北隅相傳山開見

臥佛石保故名下有河灘曰臥佛灘

雍正志略

純社洞在馬耳山峯後東南洞內有水淵而不流遇旱取

洞泥置瓶中出洞化為水天卽雨元至元年間自春徂夏

不雨保定府總管常通洎本縣知縣同日取水花雨達旦

明洪武甲子夏旱知縣趙永昇跣足露頂步至洞口禱祈

三日甘霖大作

康熙志

後溪路龍洞在縣西北桑樹林西滯水南山峭壁立望之
高數丈其路自山根崎嶇而上至中崖懸壁斷架木以
過隘方石始至洞口口最矮小側身蠅行而入中間豁然
勢若傘蓋周圍約有一間鐘乳生焉內藏小洞層層累累
可望而不可入諺云此龍穴也下有水停蓄若鏡自鍾乳
淋漓而下滴之其音清越如樂作焉歲旱禱雨輒驗探訪
仙姑洞在縣西北三十五里唐梅村北下臨唐河相傳有

唐姑梅姑修仙於此康熙志

王恪遊唐梅仙姑洞記

唐河夾山而流至唐梅村之北其嶺亦以唐梅名嶺
自西而來稍折北復東山半有洞遠望如月形者仙
姑也舊志有唐姑梅姑修仙於此得名趾臨唐河數

唐縣志卷一

輿地

三

武三折而上正洞廣輪各五丈餘高及二丈洞已有
扉置几席於中有龕像其後則昏墨如夜秉燭而
入仙姑像存焉火微燄明不能旁燭四顧沈沈生空
怖念更向西斜迤而上石滑甚時聞泉滴前挽後推
將百餘步如入牛角龕上愈隘至頂有一石柱高數
尺許圍約抱餘繞柱而東上無路轉斜迤東下如入
井深黑窅冥疑通泉穴燭漸見跋不能下而返至正
洞西復有一小洞口如竇俯伏而入廓然如翼室高
廣丈餘深倍之石多金色有石如編細竹長二三寸
上下連而四圍不屬頗玲瓏可愛又有如獅首形嵌
空如口者胥乳滴所存也洞頗奇而其勝尤在洞之
外兩壁巽峙上崖垂覆俯臨匹練游目無際而退足
憇息焉則斯洞為仙府靈窟矣時雍正十年閏月之
下旬得詩一首流轉翠微曲天然一洞開寬容踰廣
廈蓬杏上層臺秉燭寒無礙栖雲
濕自胎添衣忘酷暑仙境想蓬萊
陳璠遊唐梅洞詩數里達雲窟仙踪今尙存分明來
淨土何事訪桃源洞邃天難曙嵐深日易昏仙僧多
入定我亦欲忘言

明孫希夔遊仙姑洞詩洞自仙姑號誰將混沌開河
流奔急沸谷應響輕雷梵語人天徹林巒紫翠堆同
遊欣妙躅吟

眺恣徘徊

素化龍三仙洞題壁詞古洞依山靠河雲梯風燈嗟
峨尋僧不爲念彌陀天竺難言足樂努目金剛爲甚
低眉菩薩云何人生到處

是煙羅佛在心頭端坐

黃洛恭三仙洞題壁詞半嶺三仙古洞奇峯怪石橫

斜東有朝宗綠水西來晚照紅霞野景還爲妙景僧

家卽是仙家明月清風

作伴澗薪活火烹茶

陂陀洞在縣東北育山峯腰險峻難攀俯視村墟歷落可

數下有一泉冬夏不竭歲旱民禱屢應

採訪

門神峪在陂陀洞東南巨石劈立如門故名中有冽泉冬

夏不竭

採訪

唐縣志卷一

輿地

三

龍母嶽在縣東北故城村三面高山環繞獨出一原濶十

餘畝高數十丈上建龍母宮故名清流激湍映帶左右樹

木叢蔭幽雅宜人有八角琉璃臺臺前櫺樹二株南株空

角北株結子俗謂之南公北母云

採訪

老姑峪在縣西北葛洪山西南昔有老姑投崖下不墜飛

昇而去後人名其崖曰拾身崖

康熙志

張姑尖在縣西北六十里栢巖山之北峯尖銳上山勢險

峻高不可攀張姑得道於此故名

採訪

三妙峯在縣西北八十五里三峯突兀筍立峭拔聳秀高

出雲表西迎葛山東環滄水陰陽倏忽煙霞萬狀

採訪

摔手岸在縣西北七十五里兩山壁立中通一路甚狹險

長數里康熙志○按府志唐縣有君子岸今未詳所在

一畝石在縣西北葛山龍門湖內其勢自山麓連壤而起

不倚不偏平鋪若席石畔林壑幽深泉聲如雨觀覽憇息

最為勝概採訪

萬石固在縣西北八里東口隄村山頂採訪


王恪題萬石固詩何來磊落羣疑自天宮漏星隕歛
光鏗石化疑醕厚揮灑墨池點順勢屯萬獸夢列斷
復連形狀怪且陋及肩未為高橫目不勝富或傳蘇
武牧勾術初平就於役敢告劬備徑喜奇觀竊擬置
一椽惜少
松濤吼


河道圖 每方五里

唐縣志卷一

輿地

三





唐縣志卷一 輿地

三

唐河即古滏水在縣西三十里雹水村西自縣西北廣昌縣西南境入縣境上城口東南逕倒馬關又東南逕川里等村至苑家會東入完縣界又東南至完縣神南村又西南入本邑葛公村又南至張合莊東南入完縣界逕完縣盤古等村又西南入本邑西唐梅村又西南逕歇馬等村至胡大洋村西南橫水自西來會之又合橫水東南逕南北屯村至雹水村西又東南至釣魚臺西折而東南入曲陽支曹村又東三里入定州界

康熙志 參採訪

王格唐河考

水經云滏水出代郡靈邱縣高氏山南過廣昌縣南又東南過中山上曲陽縣北恆水從西來注之又東過唐縣南又東逕安喜縣南又東過安國縣北又東

過博陵縣南又東北入於易水酈注云滏水即驅水
之水也出縣西北高氏山山海經曰高氏之山滏水
出焉東流注於河者也其水東南流山上有石銘題
云冀州北界故世謂之石銘陁也其水又南逕侯塘
侯塘川名也又東合溫泉水泉出西北喧谷其水溫
熱若湯能愈百疾故世謂之溫泉焉東流注於滏水
滏水東逕嘉牙川川有一水南來注之出恆山北麓
雖川三合逕嘉牙亭東南北流注於滏水之北山行
卽廣昌縣界滏水又東逕倒馬關關山險隘是爲深
峭勢均詩人高岡之病良馬傳嶮之困行軒故關受
其名焉關水出西南長溪下東北歷關注滏滏水自
倒馬關南流與大嶺水合水出西南大嶺下東北流
出峽注於滏滏水又屈而東合兩嶺溪水水出恆山
北阜東北歷兩嶺間北嶺雖層陵雲舉猶不若南巒
峭秀其水東北流注於滏水又東左合懸水水出山
原岫盤谷輕湍溶下分而飛懸水一匹有餘直灌山
際其水東南流揚端注於滏滏水又東流歷山世謂
是處爲鴻頭疑卽晉書地道記所謂鴻上關者也滏
水於是左納鴻上水水出西北近溪東南流注於滏
水也滏水又東逕左人城南應邵曰中人城西北四

唐縣志卷一 輿地

三

十里亦或謂之爲唐水也水出中山城之西北城內
有小山在城西側水鏡上若委粟焉疑卽地道記所
云望都縣有委粟關也俗以山在邑中故亦謂之中
山城以城中有山之目因復謂之廣唐城也中山記
所言中人城者東夫望都故城一十餘里二十里則
滅今此城於盧奴城北如西六十里城之西北泉源
所導西逕狼山北邴唐音讀近實兼唐水之稱西流
歷左人亭注滏水又東左會一水水出中山城北邴
中阜下亦或謂之唐水也然於城外西北又名之謂
霄水又兼二名焉滏水又東恆水從西來注之白下
滏水兼納恆川之通稱焉滏水又東又過馬溺水水
出上曲陽縣城東北馬溺水東北流逕伏亭晉書地
道記曰望都縣有馬溺關中山記曰八渡馬溺是山
曲要害之地馬溺水又東流注於滏滏水又東逕中
人亭南春秋左傳昭公十三年晉荀吳師師侵鮮虞
及中人大獲而歸者也滏水又東逕京邱北世謂之
京南對漢項王陵滏水北對君子岸岸上有哀王子
寤王陵坡下有泉源積水亦曰泉上其水又東逕
白土北又東逕樂羊城北史記稱樂羊滅中山蓋其
故城中山所造也故城得其名滏水又東逕唐縣故

城南北二城俱在滹水之陽故曰滹水逕其東城西
又有一水導源盧奴縣之西北是城西平城之地泉
湧而出俗亦謂之為唐水也東流至唐城西北隅塌
而為湖俗謂之唐池其水南入小溝下注滹水自上
歷下通禪唐川之兼稱焉應邵地理風俗記曰唐縣
西四十里得中人亭今於此城取中人鄉則四十里
也唐水在西北入滹與應符合又言堯山者在南則
無山以擬之皇甫謐曰堯山一名豆山今山於城北
而如東斬絕孤峙虎牙桀立山南有堯廟是即堯所
登之山者也又於城之南如東一十餘里有一城俗
謂之高昌縣城或望都之故城也故縣曰日望都縣
在高昌南此城之東有山孤峙世以山不連陵名之
曰孤山孤都聲相近疑即所謂都山也帝王世紀曰
堯母慶都所居張晏曰堯山在北堯母慶都山在南
登堯山見都山故望都以為名也此唐河之載於桑
經鄭注者也以今考之唐河名滹水出山西渾源州
龍疇村經靈邱縣南過廣昌至走馬驛新城兒始入
唐縣境之大茂山東南行三十里至倒馬關以河之
言計之又東南二十五里至黃石口又東南三里至
鴉尾口又東北八里至唐河西又東十里至苑家會

唐縣志卷一

輿地

三

又南十四里至劉家莊又南四里至葛洪又東南一
里至張合莊又東南十里至業口又東南十里至西
唐湄又東南五里至歇馬又東四里至白合莊又南
四里至父子山又南六里至鄭家莊又東十里至北
大洋又東十里至屯村又東南十五里至羅莊又東
南五里至南伏城又東南六里至岸上村又東南二
里至勺堤入定州境清水河約一百五十二里以河
之左計之東南行三里至川里又東二里至五道口
又東五里至河北村又東三里至山南莊又東南十
三里至花塔又東十八里至完縣之神北村又東三
里至完縣之神南村又東南三里至唐縣之北洪城
又南三里至南洪城又南十里至偏谷又東南十里
至完縣之神南村又南三里至唐縣之北洪城又南
三里至明伏村又南三里至常峪村又南三里至
明伏村又東南三里至山南莊又東五里至胡
大澤又南三里至大洋店又東南十里至西雷水又
南三里至襄又東三里至下素又東南三里至
至完縣之神南村又東三里至白家莊又東南三里
台又東入定州境約一百三十一里通計自走馬驛
入唐縣境至入定州境約一百八十里證之水經

大同小異所稱地名有一可證近誌之闕略者如注稱
澧水又東流歷山世謂是處為鴻頭疑即晉書地道
記所謂鴻上關者即今之南北鴻城也注稱澧水又
過馬瀨水水由上曲陽縣城東北流逕伏亭即今之
南北伏城也誌以伏為符援符堅事非也注稱澧水
又東逕京邱北世謂之京南今誌村莊有王京北南
京及貫南京者即此也注稱澧水北對君子岸岸上
有哀王子憲之陵今於勺堤之北有稱岸土者疑即
此也又稱坎下有泉源積水亦曰泉上岸今有留泉
社疑因此名也注稱又東逕樂羊城北史記稱樂羊
滅中山蓋其故城中山所造也今有建羊社建羊村
皆因此而名蓋謂樂羊所建也又稱安樂社或因民
與樂羊相安而得名也注稱又於城之南如東一十
餘里有一城俗謂之高昌縣城今之有五高昌其來
久矣予泚唐五載沿唐河而行者往來如織九年仲
秋十有一年季夏以公事往白石口始過走馬驛見
河水入唐之形勢復命賈運忠沿河之左右
而里其地之數大約右紆於左因詳志之
陳育陽唐河源辨

縣志曰按酈道元經注曰澧水出代郡靈邱縣高氏

唐縣志卷一 輿地

四

山南過廣昌縣南又東南過中山上曲陽縣北府志
九水曰唐水發源楊川嶺山應劭曰中人城西北四
十里謂之唐水水經注曰唐水出中山城北郎中泉
下流經祁州境與沙河合一統志謂唐水源自山西
大同靈邱縣南經飛狐口過倒馬關至唐始大故名
余每疑之遂親自襄糧循河而履其源河自山西渾
源州發源之泉有四一北嶽恆山之南龍齋村西澗
有泉盈尺一搶風嶺棚子溝有泉一楊頭鋪有溫泉
坐湯亭址在焉至今變成寒水一蔡家峪有泉俱清
水會於東河南村水色漸渾黃東經靈邱縣又東南
經廣昌縣皆名爲湯河因源有湯泉以名之也至廣
昌屬之走馬驛始漸濁有田又東南入倒馬關遠
清虛山背東過完縣地方折轉而西至唐縣蔓延百
里轉而東南至定州水利全無只受濊溢之害東至
祁州與沙河合流會
磁河三岔口入於海

朱學點唐河入境出境道里記

唐河即古澧水發源山西靈邱縣北東南流入直隸
廣昌西南境自廣昌縣新城兒東南流五里至上城
口入唐縣界上城口在縣西北一百六十五里又東

南五里至倒馬關城北復繞城東折而東北四里至馬漫莊東北又五里至康家莊東北折而東南四里至西國角東又東南二里至東國角東折而東流至河西村東南又折而東北二里至川里南又東南二里至古道口南又東南八里至河北村南黃石口在河南對岸又東北二里至山南莊西南又東南五里至鶴峪口北折而東南又折而東又東北五里至五家會南河東北流折而南又東南八里至岳家臺北又東南五里至唐河西村名東北流折而南又東南三里至大花塔西南流二里至小花塔西南折而東北一里至三道河北又東北三里至北當村南又二里至五家角東流一里至榮樹林北折而東南五里至苑家會東折而西南復折而東六里入完縣界繞界碑北流折而東南三里至完縣劉家莊北又東北五里至完縣神北村南又東南五里至完縣神南又西南七里至邑境葛公村東北洪城在河東對岸南流五里至張合莊東北又西南四里至南洪城西南村在張合莊東北四里又東南三里至完縣盤古村西折而東復折而南五里至完縣南班西又東南三里至完縣野里南又西南七里至邑境西唐梅東又東

唐縣志卷一

輿地

望

南一里至東唐梅西又南二里至南唐梅西南折而西六里至歇馬村東繞村南又西南二里至賈莊北折而西北三里至白合莊南又西南至河南村北又西南至父子山東南又三里至明伏西又南三里至長峪西又西南四里至鄭家莊東又東南五里至呂家莊西南又東南二里至西山河頭西又東南三里至山南莊西南又三里至北大洋東南又十里至胡大洋西南橫水自西來入之又五里至北屯村東南又五里至南屯村東南又七里至西霞水村此村東距縣城三十里又西南四里至城子西又西南十里至羅莊東南又二十里至下素西又東南三里至東盛莊西南又四里至伏城東南又八里至白家西南又六里至勺堤東南又三里至釣魚臺西折而東南入曲陽縣又曹村又東三里入定州界又東南至三汊口合滋河派河又東北入於海丁五夏余橐籥執筆沿河記之雖核計兩岸村莊相距里數較河槽曲折里數尚多而河之入境出境其梗概亦約略可知矣

唐河故道在縣南十二里自下素村東流逕沿村留泉

頤等村東南入望都縣界嘉靖志

橫河即禹貢恆水在縣西六十里橫河口發源西北恆山

東南流五十里至王支里又東南逕楊家臺等村至石門

村南又東南入曲陽縣小樓村逕于家寨至本邑和家莊

又東南逕軍城至獻表村西又西南入曲陽宋家樓鎮里

等村又東入本邑橫河口折而北流至十八渡南又東至

東張灣又西南至北大洋村東南又東入於唐河康熙志參採

朱學點恆河道里記

恆河在唐縣西六十里橫河口恆橫通即禹貢

恆衛之恆也發源自西北恆山尖東南流四十里

老龍潭又東南十里至王文里南又東南五里至

家臺東北折而西南又東南五里至蟒擺村南又西

南二里至上馬石南又西南五里至石門村南又東

唐縣志卷一 輿地

望

南四里至曲陽小樓西又東南六里里至和家莊

寨東南折而西復折東南入里至和家莊

三里至辛莊西南又東南二里至軍城北關西折而

西南復折東南三里至軍城南關南又東南三里至

稻園西南又東南三里至行營溝西又折而東二里

至娘子神西南又東南三里至赤窰西南四里至水

峪口頭東又東南三里至馬溝口西又西南三里至

梭頭東折而西南又東南三里至曹家莊西又東南

二里至獻表西又西南五里至曲陽縣宋家莊東折

而西南復折東南七里至樹溝西又東南十里至曲

陽北鎮里東南自宋家莊南一里即順山根流至北

鎮里南此段俗名老龍泉條忽漲即深數尺又東南

二里至曲陽南鎮里東北又東六里至橫河口北折

而北流二里至十八渡南折而東五里至東漲灣南

折而西南又折而東八里入唐河

放水河一名石臼河在縣東北二十五里發源馬耳山甘

露寺石臼泉與柳河合流南逕崗龍山陽顯口等村折

東至放水村北又東注完縣曲逆河康熙志唐縣東北三

十里有石白泉流為放水河至完縣界合五雲泉入方順

河畿輔舊志蘇水在完縣西南漢書地理志曲逆有蘇水東入

水經注蘇水出蒲陰縣西南近山東北流逕堯始亭南

又東逕其縣入濡舊志今有放水河源出唐縣東北馬耳

山東流入完縣界合五雲泉至縣東南合為方順河疑即

古蘇水蓋亦方順河之南源也大清一統志放水河即古蘇水

源出縣東北馬耳山之石白泉東流逕放水村故名放水

又東入完縣界畿輔輿地圖

按後漢書鄧訓傳注石白河在定州唐縣東北然當時通漕入滹沱應是行唐縣石白谷水故不援引

唐縣志卷一

逆流河在縣西北十八里北店頭發源中山城栗山西西

北注於唐河康熙志

鴻上水在縣西北七十里洪城村嘉靖志滹水東流鴻上關

於是右納鴻上水水出近溪東流注於滹水經注徐廣曰鴻

上水源出葛鴻山史記正義

霍水在縣西三十里發源狼山西南至霍水村南入唐河

康熙志縣有霍水亦或謂之為唐水也水出中山城北距狼

餘泉源所導西逕狼山北西流歷左人亭西南流入滹水

注里

馬澗水在縣西四十里南伏城今俗稱馬泥河嘉靖志馬澗

水出上曲陽城東北馬湖山東北流逕伏亭又東流注於

流經

唐池水一名唐湖在縣南十里久湮嘉靖志平地泉湧而出

東流塌為湖俗謂之唐池其水南入小溝下注澠水水經注

倒流河在縣北育山西石佛寺前發源育山西石溝東北

流入放水河採訪

唐巖河在縣北八里發源唐巖山前水勢環山而北至石

佛寺伏流不見採訪

龍潭溝一名龍門湖在縣西北葛洪山北兩山對峙壁立

萬仞水出其中長九里橫三里有瀑布泉五注盤石下注

唐縣志卷一

輿地

四

如輪聲如雷山之趾奇石林立怪不可狀康熙志

駝巖溝在育山後壁立萬仞其深莫測上有臥石如駝故

名採訪

黃土溝在縣北黃岡嶺長里餘雨後難行康熙志

三里溝在縣西北與三里溝接採訪

賈島溝在柏巖山唐賈島隱居處故名康熙志

廣利渠在縣西三十里澗水村繞縣南折而東北至高昌

村計長七十里今至城西南三里李家莊而止以下皆淤塞金太和六年縣令

劉升開渠風山下引唐河水灌田數千頃又導而東以

都邑其後河流南決渠廢明萬曆二十七年知縣傷一柱

復濬之其水本東南流挽之使東北注建九閘以時蓄洩
稍前至雹水村有客水溝橫界其前視渠身下三尺許乃
架木爲槽以過水號曰騰橋使溝穿橋下渠行橋上凡濬
渠七十里歷村二十八分析開渠二十五由是安行抵滿

城方順橋合九河漑田無算
大清一統志

廣利渠原挖共計六十三段自本縣河神祠前起至
完縣蓮香菴東交界止計長八千八百六十八丈共
計四十九里六分面寬三丈底寬一丈深四五七八
尺不等石閘一座坐落河神祠前身高一丈二尺露
明高一丈一尺兩金剛牆各長二丈迎水雁翅各長
二丈五尺出水雁翅各長三丈金門寬一丈六尺閘
板四塊閘夫八名石橋一座坐落南雹水村西面寬
二丈長四丈八尺一空成造木橋十座坐落南雹水
村南西城子東集北羅店頭葛堡西都亭縣城南關
東關淑呂高昌等村每座面寬一丈二尺長四丈八

唐縣志卷一 輿地

望

尺三空成造涵洞二十七座南雹水趙北羅各一座
朱北羅二座新北羅一座集北羅二座岡北婁高和
南高和田新莊店頭葛堡和都亭西都亭東都亭白
塔李家莊南壇野流馬莊王莊房莊各一座淑閘二
座賈莊南高昌各一座每座長二丈寬三尺五寸進
深二丈一空成造渠之兩岸舊存柳樹共計二千五
百四十三株現在俱各密茂○此嘉慶二十四年册
存款目按原澆田之村莊無李家莊未詳何年添入
自道光間白塔以下渠皆淤塞嗣於咸豐十年李家
莊復稟請添入今渠至李莊涵洞而止又木橋自西
都亭以下改建石橋
今多圯矣詳見橋梁

明楊一桂廣利渠騰橋記

余導河自古木厰南趨二百步轉而東又二千步至
南雹水村有客水溝左來直穿渠溝且下於渠三尺
許因溝爲渠則溝東地高積漸以往渠水難前宜濬
就渠則壅阻客水爲村民患乃建木橋騰之桂從
行橫九行其間相去各七尺許柱下有石石下有木
丁梁橫數與從柱同板從凡七節節片不等厚各河
寸板之合一口一舌相次而啣左右欄各九節節

各三可以啟閉如開有關鍵可鎖鑰而守共計橋長五丈寬一丈五尺欄高二尺五寸柱上出尚有餘欄之板可以增高今不即增者計城子之渠未廣高和都亭房莊並堤尚薄未能容多水故不敢高其欄欲水多便於滂溢耳異日者每歲春冬農隙渠可漸開則橋可知寬欄可加高渠廣之後自南霽水而東至西高和向可下濬四五尺既濬則騰橋可而渠可因滿始大定也為目前計橋如渠之咽喉然惟有不時察修而已其修葺之費則有二十五門會錢在其木匠則有杜世榮樊保泥水匠則有王德良郭道平存其督修則有陰陽官李廷芳吏郎雲霄胡光業于惟傑在其他則有奇巧長久之計則非余寡昧所能及知也謹記之石以竣後之高明君子云

古堯泉在縣西口堤村青龍山堯廟前一名龍池一名龍潭

康熙泉清而不流古今不竭土人浮紙泉池沈則宜蠶

不沈則不宜每歲視此獲利焉探訪

唐縣志卷一 輿地 巽

王恽龍潭詩一勺澄潭寒聞有潛龍宅祈雨走兒童興雲貯涓滴憶當亢旱秋沈鐵飛霹靂四境同枯焦萬口傳靈跡猶見五色魚宛爾濠梁適異草非蘋蘩勁直波中立

石曰泉在馬耳山前放水河發源處相傳石曰鳥曰二禪

師隱於此故名康熙唐昌西北有石曰河杜氏通典

按隋書隋昌縣本漢苦陘縣其故城在今無極境唐武德四年改為唐昌非唐縣也通典所載疑傳寫有誤

滴翠泉在磨巖山滴自石壁夏月如萬斛珠璣冬月如玉

水壺巖早民祈雨於此探訪

王恽滴翠泉詩寒泉翠微滴虛洞水雲貯疑結儼冰壺玲瓏啟月戶一方雪窖深萬古石髓護縣崖覆天池鑿穴通雲路奇勝欲忘歸寧列雖久仁愛此玉華名初從薛神嘗

善利井在縣治西其水與蘇漢通卽古堯泉一名天王井

康熙志

林公井在縣治東康熙中知縣林菁鑿一名林公泉

採訪

王俗修復堯泉林公泉碑記

縣署之右為帝堯廟前有井久湮碑石上鑲顏曰堯泉考之志卽善利井也一名天王井其水與蘇漢通因口底山堯廟有古堯泉遂取以名前明萬曆天啟間邑令陳公張公後先修復獨莫考其所始及其廢又署之左有井曰林公泉蓋

國朝邑令林公康熙年間所濬也亦石鑿其上予竊疑之井以養為功茲雙井者近在署之左右柯吾蘇而不食也訊之邑人或曰以其會溺人故幕之或曰形家者言邑似龍形二井乃其目應出大魁前合邑之托為不利於邑故幕之予意防人之溺閉之於是科日之盛邑幸與有榮施何幕為辛亥夏早有里民請復林公泉者予諾之稍助焉發成署左之環居者咸飲其甘孝廉崔君碑以記之王子夏復旱署右之

唐縣志卷一 輿地

七

民請復堯泉予亦諾而助之且曰此古蹟也帝堯之澤於斯奇焉卽非形家言非值旱亦宜復況兼斯二者願置汪濊於泥中乎茲屆省試之秋非獨渴者被近澤且以一驗形家言為士子鼓氣也遂復之其甘與林公泉同予私幸雙井之去幕而敗於數十年之下而其養遂可不窮也至於形家之言雖謬不足信第堯泉之西為學宮林公泉之東為義塾兩井並列有麗澤之象焉多士法之勤講習以興文行安知其言之不驗乎則教澤與利澤並悠其在斯也夫因狗邑人之請而書其復修之歲月云

崔均重修林公泉記

嘗謂興利以逮下者撫字之心也歌功以頌上者愛戴之情也縣治東有舊井一口歷年既多井谷射射久矣无與无禽而為時舍矣民用汲維艱率抱井泥不食之嘆邑侯王公見之心惻爰捐俸鳩工不踰月而元吉大成矣殆所謂王明並受其福者耶邑之人往來井井擬立石以誌公德諸義塾而問記余曰否否而不見夫天乎覆冒無方非一管之所可窺也不見夫海乎浩瀚無際非一蠡之所可測也公下車以來善政不可枚舉大約清而明勤而慎惠而普挹之

而莫殫名之而莫罄區區一井何足為揚厲者客有
揖而進者曰何為其然也井之象巽下坎上二五當
陽其德剛中公之清而明一井之列而寒泉食也勤
而慎一井之蠶而无咎也惠而普一井之收勿幕而
有孚也挹之莫殫者名之莫罄一井之養而不窮也
亟宜表之以垂不朽即豕傳所稱改邑不改井之義
也余聞之不覺首肯遂付諸
丹時雍正九年辛亥之孟秋

靈井今失所在康熙志在中山城西北隅俗呼為趙母井所

謂醇酎千日即此井所醞後以石蓋之人不敢開齊刺史

博陵王濟欲開之即有雲霧隱蔽不開寰宇記

關隘附○與第五卷兵防合看

鴻山關在縣西北七十里鴻城村康熙志水經注滹水又東

流歷鴻山世謂是處為鴻頭疑即晉書地道記所謂鴻上

唐縣志卷一 輿地 巽

關者也關尉治北平而畫塞於望都東北去北平不遠寰

宇記唐縣有鴻山關今名鴻城俗呼為鴻郎城即帝堯時

丹朱所居大清統志

八渡關在縣西六十里即橫河口十八渡明移軍城巡檢

司守焉康熙志一名馬溺關水經注晉地道記曰望都縣有

馬溺關中山記曰八渡馬溺是山曲要害之地一關勢接

寰宇記有水屈曲八渡水上置關因名漢戍也大清統志

橫河口在縣西六十里山路崎嶇南北通衢倒馬關營分

兵防守有巡檢司康熙志舊設巡司於倒馬關後移置此以

守唐縣曲陽之界大清統志

軍城口在縣西北九十里南與曲陽接界明初置巡檢司

嘉靖丙辰大水衝城斷城為二康熙志軍城寨隸曲陽宋史熙

甯九年析曲陽唐縣人戶隸寨元豐九唐縣軍城鎮南至

曲陽縣八十里北至倒馬關六十里金時置鎮明洪武時

置馬驛於此大清一統志今驛廢倒馬關營分兵防守雍正志略

明傳振商九月八日駐軍城驛次韻滿谷西風暗古城天空秋老露華清山形似狀金牛嶺殺氣猶寒漢

將營重地不煩勤遠戍聖朝無意更屯兵登高踟躕黃花約極目煙含宛不平

大茂城在縣西北一百里唐河北岸古隘口也康熙志

周家堡在城西北一百二十里古隘口也倒馬關營分兵

防守康熙志周家堡倒馬關東路隘口明洪武間置巡司今

唐縣志卷一 輿地 四

裁大清一統志

岳嶺口一名大嶺口在縣西北一百二十里明初置巡檢

司今廢倒馬關營分兵防守康熙志自白道安口東北歷岳

嶺口小關城夾耳安口接倒馬關方輿紀要

倒馬關在縣西北一百六十里澠水東出倒馬關經石臼

子里採筏者乘筏至此失隄防有停滯之患康熙志山路險

峻馬為之倒因名漢置關於此寰宇記水經注澠水東逕倒

馬關關山險隘最為深峭通鑑注自蔚州廣昌縣東南山

南出倒馬關至中山上曲陽縣關隘石徑逶迤沿途九曲

誠控扼要地也 考倒馬關有二城上城明初建景泰

三年以上城卑隘復築下城屯駐官軍屹爲重鎮明初設
巡司防守嘉靖時設倒馬關參將

國初設副將順治十年改設都司僉書與居庸紫荆稱爲
內三關按漢志代郡有常山關方輿紀要以爲卽倒馬關
劉昭後漢書注引博物記唐關在中人亭西北百里計其

道里亦卽今倒馬關也大清一統志

按郡國利病書倒馬關東至完縣界一百八十里西
至山西大同府界五百里南至曲陽縣一百五十里
北至廣昌縣九十里上關三隘口東南至關約一十
五里柳角菴四隘口南至關約四十里插箭嶺十三
隘口南至關約六十里軍城入隘口西北至關約六
十里落路口十三隘口東北至關約一百四十里吳
王口十九隘口東北
至關約三百五十里

唐縣志卷一 輿地

率

王恪倒馬關詩倒馬鎮雄關實維神京隘關南已矣
兀關北尤偉怪連崖萬丈夾一道唐河界巨靈掌恐
賦五丁力亦廢地險固金湯結構雲端寨上下歷欲
登前驪氣喘憊洵是一夫當百萬衆摧敗我來憑乎
餘登臨債宿債磊落
峙險姿一石似一拜

上城口卽舊關城在縣西北一百六十五里山勢險要北

臨唐河今倒馬關營分兵防守珠訪

按統志赤岸鎮在縣南方輿
紀要謂在縣北今未詳處所

隄堰附

石隄在北城外長五百五十九丈五尺明嘉靖四十四年

知縣郭邦驥勸民修築以防秋潦衝决城根

國朝順治三年知縣周日宣重修十七年山水漲發衝

知縣廖泉補修康熙十一年知縣王政重修康熙志乾隆七

年民修嘉慶十一年請帑修築道光十六年知縣童黼重

修採訪

拒馬河隄在縣西北九十里軍城西北明萬曆二十六年

兩道督修康熙志

按軍城西北即恆水上游此堤宜名恆河隄又按拒馬河發源廣昌縣南半里東流會涑水入易州界

橋梁附

南關橋在南門外道光十三年知縣張夢蓉重修

西關橋在西門外以上俱跨護城河

高昌橋在城東十八里高昌村東

唐縣志卷一 輿地

廣濟橋在城東十里淑閭村東南

棗園橋在城東二里

東岳廟橋在城南一里今圮

南壇橋在城南二里今圮

東都亭橋在城西南五里

西都亭橋在城西南八里

高和橋在城西南十五里今圮以上俱跨廣利渠

霸王橋在城東北育山今圮

按唐河橫河俱無石橋冬間民設木板橋以備行旅

古蹟

蹟字從足足所踐迹也故曰某山某水口人之所鈞遊也某邱某壑古人之所棲止也後世憑中噦噓輒徘徊不能去豈流連陳迹哉抑景仰往古也然必斥附會覈確據人雖往矣迹存焉迹則舊也真富焉乃為一邑生色不致古人貽笑笑取舊志補正之志古蹟

唐縣故城一在縣東北二十五里故城村漢置一在縣西三十里雷水村隋置一在縣西南二十五里城子里唐置

張惇德唐縣故城考

唐之命名肇自上古自帝堯封國於此其名乃顯著迨乎春秋北境為燕之陽邑南境為鮮虞之中人邑元和志定州城北有故唐城是堯所封也其地在今

唐縣志卷一

輿地

三

縣南舊小清河南北今定州北唐城也今定州北之唐城本漢盧奴縣城為定州舊治因濱唐河故俗稱唐城有唐城村與元和志所謂唐城者自別漢置唐縣於燕之陽邑在今縣東北二十五里有村曰故城後訛為固城關關十三州志唐縣故城在定州國北七十五里以今定州唐城村約計今縣東北故城村方向里數差符晉時移縣於今縣治地鄆道元水經注都山在唐東北望都界核其方向與今縣治合道元與關俱北魏人晉之移縣史雖未載關關既稱漢縣治為故城可證古推測而知也又水經注滹水又東逕樂羊城北又東逕唐縣故城南北二城俱在滹水之陽北城即漢置縣之城南城即堯封國之城蓋滹水故道自今縣西南下蘇村東流歷兩沿村及留泉等村入望都界故言在滹水之陽非蒙本句上文樂羊城言二城也戴氏東原較水經改北字為此字未免失檢是晉魏縣治皆即今縣治迨高齊併望都入北平又省唐縣入安喜而今縣治之城遂廢隋開皇十六年復置唐縣其城在今縣西三十里雷水村實戰國時左人邑也舊唐書地理志隋置唐縣治左人城聖歷元年始移今所言今所者指當時之城言

在今縣西南城子村俗名城子里元和志唐縣東
至定州五十里本春秋鮮虞邑漢唐縣之地滹水一
名唐水西去縣一百五十步孤山蓋都山縣東北五
十四里入渡故關縣西北二十里皆與今城子里四
至之里數方向相合袁宇記唐縣今治左人城倒馬
故關在縣西北一百二十里是李唐時置縣城子里
北宋時置縣因隋時縣治明矣宋以後復移縣治於
晉時所治之城即今縣城歷代地理今釋今唐縣治
宋以後置是也保定府志謂今縣城是鮮虞故治舊
志引續漢志唐縣有左人亭謂今縣治即其地按鮮
虞故治在今新樂縣西南左人城在今縣治西二志
之說謬矣然唐縣村莊以城名者甚夥嘗綜覈之堯
封國之城本在小清河南後廢移小清河河北河久湮
今長古城村也漢縣之城今故城村也隋縣之城舊
志稱雹水城今雹水村也唐聖歷縣城今西城子里
也至於縣西北有鴻城村因地為古鴻山關得名有
軍城鎮因宋置寨駐軍得名有赤城村因四面皆山
得名有南城子北城子因近中山城得名有東迷城
西迷城取義山路逶迤易迷其程以訛程為城得名
乃諸志一無考核輒謂長古城為聖歷置縣之城固

唐縣志卷一

輿地

三

誤康熙志謂故城村即堯城不知堯城在故城村東
南曲逆河側地屬完縣與唐無涉此誤之尤誤也爰
博稽地志證以山川道里略述梗
概使後之核方輿者有所考焉

高昌城在縣東北十八里魏書地形志望都縣有高昌城

水經注唐城南如東一十餘里有一城俗謂之高昌縣城

或望都之故城也 大清一統志

按縣有五高昌皆襲舊名高昌城遺址在北高昌村
萬歷志載高昌城康熙志刪之謂不知所在殊乖

長古城在縣南八里舊古城在小清河南堯封國之城也

後廢移置小清河北即今長古城村

舊志劉汝器鄉彥家訓曰縣在春秋時為古晉長古
城鄉是也每疑不得考據幸造慶王宮殿歷觀自古
地圖分畫所注古晉都即定州路唐縣非絳州也戰
國入於燕舊古城廢移置小清河北即今城也按小

清河卽唐河
故道支流

樂羊城在縣南二十五里水經注滹水又東逕樂羊城北

史記魏文侯使樂羊滅中山蓋其故城中山所造也故城

得其名卽此萬曆志

按今縣南建羊村是其遺址

伏城在縣西南四十里唐河西岸康熙志馬濁水東北流逕

伏亭水經注

按今南伏城村卽古伏亭康熙志作符城誤詳見辨化

霍水城在縣西三十里唐河西岸康熙志

按霍水城卽左人城遺址隋時縣治於此

唐縣志卷一 輿地

王陵城在縣西三十五里大洋村南唐河東岸相傳漢高

屯白登王陵援兵至此築故名康熙志

灌城在縣西四十里唐河西岸與王陵城相對明一統志

云漢灌嬰所築故名康熙志

左人城在縣西後漢書郡國志唐縣有左人鄉注博物記

曰在唐縣西北四十里水經注滹水逕左人城南應邵曰

在中人城西北四十里按後魏書孝昌二年鮮于禮叛於

定州西北之左人城似當在今唐縣西南去定州不遠也

大清一統志

按左人城舊志未載水經注云中山城西北泉源所導實兼唐水之稱西流歷左人亭注滹水又東左會一

川水出郎山阜下亦謂之唐水又名雷水西南流入
澗是左人亭地有唐水有雷水俱入澗也舊志有雷
水城核其道里方向即左人城遺址然其地在
舊縣西南故統志疑博物記所言西北有誤也

中人城在縣西南十里左傳晉侵鮮虞及中人後漢書郡

國志唐縣有中人亭即此譏補攷古錄

張悛德中人城非中山城辨

中人城在唐縣西南中山城在唐縣西北其不可混
而為一也審矣按左傳昭公十三年晉荀吳以上軍
侵鮮虞及中人大獲而歸史記趙世家敬侯十一年
伐中山戰於中中人索隱曰中山國本鮮虞國列子趙
襄子使新穉穆子攻狄取中人蓋鮮虞亦白狄種也
後漢書郡國志唐縣有中人亭今縣西南十里有村
曰都亭是其遺址秦改封建為郡縣置郡三十六後
增四郡共為郡四十漢置郡國一百三分秦上谷鉅
鹿郡地置中山郡而郡治置粟山景帝三年改中山
郡為中山國迨移治盧奴世稱其故地曰中山城水
經注中山城內有小山銳上若委粟焉俗以山在邑

唐縣志卷一 輿地

委

中謂之中山城又云中山郡治也在今縣西北十三
里嶺上若戰國時中山國城在今新樂縣西南距此
甚遠張曜中山記中山郡初治中中人城城中有山故
曰中山靖王受封始移治盧奴潛玩文義中中人城人
字當是傳寫山字之訛蓋言郡之以中山名因初治
中山城以城中有山故耳城中有山四字解釋上句
中山城三字初治中山城句解釋郡名之由故地所
在文義顯然一串若插一中人字上下句意不相連
屬沉班志於中山不言中中人續漢志言中人祇述唐
縣古蹟非言中山故治也傳寫有誤字明甚然酈亭
氏不以曜言中人有誤字直以曜言中人為乖謬并
為之訂其說曰城中有山故曰中山城也博物記申
人在縣西四十里地理記唐縣西四十里得中人亭
水經注唐縣故城下於此城取中人鄉則四十里今
以方向道里計之自舊縣城至中山城二十餘里至
中人城四十里雖地實居西南若以四境論止言西
可也乃括地志云中山故城一名中人亭在唐縣西
北四十里混雨為一固失演一北字尤失之遠矣其
以亭名者亭即縣也按漢書王莽改縣為亭者三百
六十以應符命文亦旋置旋廢耳自與漢制十里一

亭及後漢封爵亭侯之亭有別後人名其遺蹟曰亭亦曰城是中人城與中山城判然為二矣實字記言望都縣治中人亭亦可見中人亭非中山城也夫紀地志者或得諸傳聞或謬為附會或轉相抄襲不求核實或泛為援引不事辭詮蓋非親歷其地將愈久愈及其真也然則古今郡縣紀載之編以訛傳訛者可勝道哉

中山城在縣西北十三里故上後燕慕容垂都中山即此至今野人掘土城下得矢鏃甚多

康熙志

俗以山在邑中謂之

中山城以城中有山之形因復謂之廣唐城在盧奴城北

距西六十里水經注中山郡初治中山城靖王受封始移治

盧奴中山記

鴻城在縣西北七十里鴻城村本晉鴻山關也今其地有

唐縣志卷一 輿地

五

鴻城社康熙志
互詳關隘

賈復城在縣北五十里賈復從光武追銅馬五嶠於北平

所作也萬歷志謂即鴻城康熙志

按水經注夏屋城東側因河塘築一城世謂之寡婦城賈復追銅馬於北平所作也世俗音轉故有是名今完縣有夏屋城而唐之賈復城已失所在然水經注既言在夏屋城側似亦在完縣境矣元和志寰宇記俱言寡婦故城在唐縣北九里

蓮堰在縣東南二十里遺址僅存水經注平地泉湧而出

泉流澗而為湖謂之唐池蓮荷被水勝遊多萃其上信為

嬉處也唐李元唐水所積俗謂之蓮荷陂亦曰蓮堰即此

必後人訛也

北臺在中山城北慕容垂都中山時登此臺望馬耳峯東坡詩云淨掃此臺望馬耳卽此

康熙志

天風臺在葛洪山葛仙隱身修煉時登此臺後天陽真人

扁曰天風臺

康熙志〇
詳寺觀

冷空臺與天風臺對峙明宏治時知縣茹鑾有石刻詩云

試向冷空臺上望任他人世自浮沈

康熙志〇
互詳寺觀

明一統志載釋板岩詩云昔年曾到葛洪遊回首西風二十秋今日唐川再經過野心又被白雲留按此

詩康熙志作劉
因詩見山川

古木厰在縣西三十三里唐河東岸

康熙志

古槐在縣署二堂東大數圍高聳旁陰無一枯枝下有槐

唐縣志卷一

輿地

五

辨祠探訪

凌霄石在縣東北育山東麓高數丈屹然獨立雄傑壯厲

奇峻異常

探訪